

Futsal C-Liga  
Udruženje C-LiGA Cazin  
Bosna i Hercegovina – Cazin 77220, ul. Ćuprija bb  
enes.cliga@yahoo.com | www.cliga.net | [info@cliga.net](mailto:info@cliga.net)  
JIB: 4263588680008 | žiro račun: Raiffeisen Bank 1610350039750060

---

# C-LiGA FUTSAL 2026



## 1. C-LiGA

---

- 1.1. Naziv lige je Malonogometna C-Liga (skr. C-Liga).
- 2.1. Organizator takmičenja je Udruženje C-Liga Cazin, sa sjedištem u ulici, Čuprija bb, Cazin 77220, Bosna i Hercegovina.
- 3.1. Naziv C-Lige može se preimenovati ili promjeniti u neko drugo već postojeće ili novo ime, ime neke firme, organizacije i drugo ukoliko se na taj način reklamira Mali nogomet, te ostvaruje određena materijalna, finansijska i druga korist u prilog same Lige.
- 4.1. Logotip Lige-Udruženja je okruglog oblika sa ispisom na obodu logotipa ; Malonogometna C-Liga.
- 5.1. Natpis je Plave boje.
- 6.1. Simbol igrača sa loptom je Crne boje.
- 7.1. Podloga odnosno untrašnjost logotipa je Zelene boje.
- 8.1. Linija oko logotipa je Crne boje.
- 9.1. Ligom rukovodi RADNA GRUPA, koja je imenovana od Skupštine Udruženja, a koja broji PET članova;

Senad Mizić	Predsjednik
Hasan Dželalgić	Član
Muenes Šabić	Administrator
Senad Nadarević	Član
Muamer Hodžić	Član
- 10.1. Zadatak RADNE GRUPE je da sprovodi KOMPLETNO takmičenje :
  - Zaprima i rješava sve vrste žalbi,
  - Pravi i dostavlja svim organima općine Kalendar takmičenja,
  - Rješava sve vrste zahtjeva, kazni pojedinca i ekipa C-Lige,
  - Uređuje i donosi Pravilnik C-Lige i Pravila igre.
  - Bavi se Planom i programom rada.
  - Bavi se Finansijskim planom Udruženja.
- 11.1. Predsjednik (Administrator) Udruženja vodi kompletnu statistiku C-Lige, te je dužan godišnje jednom dostaviti Završni Bilten svim članovima Skupštine.
- 12.1. Najviše tijelo C-Lige je Skupština koja broji 13 članova :

1	predsjednik
2	do predsjednik
3 – 13	članovi
- 13.1. Skupština C-Lige mora se u toku jedne sezone najmanje jedanput sastati i održati sjednicu sa potrebnim kvorumom.
- 14.1. Radno-službena tijela lige su :

Ekipe, suci, delegati, razglas, semafor, fotograf, liječnik, redari, Ekipni pobjednici takmičenja, najbolji pojedinci i ostalo.
- 15.1. Predsjednik i njegov zamjenik odlukom Skupštine dobijaju novčanu naknadu troškova za svoj rad i angažman na godišnjem nivou.
- 16.1. Liga ima Službenog Fotografa.

## 2. TEREN-IGRALIŠTE


---

1.2.

Grafički prikaz terena-igrališta za mali nogomet ;

- Sve crte & linije igrališta moraju da budu između 5-8 cm.
- Teren & igralište može da bude najmanje 15m širine i 35m dužine, odnosno najviše 25m širine i 42m dužine.

- 1 Vrata-Golovi (3x2m)
- 2 Klupe za rezervne igrače
- 3 Kazneni Prostor (Prostor vratara-golmana)
- 4 Tačka-Mjesto za izvođenje početnog udarca
- 5 Prostor za zamjene igrača  
(od središnje crte do presjeka uzdužne crte je 5m)
- 6 Sudiski 5m kod prekida odnosno izvođenja udarca iz ugla
- 7 Mjesto za Zapisnički sto (sto Organizatora)
- 8 Tačka za izvođenje udarca sa 10 metara
- 9 Tačka za izvođenje Kaznenog udarca
- 10 Prostor sa kojeg se izvodi udarac iz Ugla
- 11 Linija koja razdvaja teren na dvije polovice (Središnja linija)



### 3. TAKSE & ČLANARINE

---

- 1.3. Pobjednička članarina, taksa od ukupnog Nagradnog fonda turnira (10%) Pobjedničkim ekipama se uzima odmah prilikom uručjenja novčanih nagrada umanjuje nagrada za navedenih 10% od ukupne osvojene novčane nagrade, vrijedi samo za nagrade veće od 100 KM.
- 2.3. Godišnja Ekipna članarina (10,00 KM), svaka ekipa C-Lige dužna je u toku jedne sezone uplatiti ekipnu taksu-članarinu u iznosu od 10,00 KM, u protivnom ista ekipa nemože uzeti učešće na turnirima C-Lige. Ista članarina se plaća Delegatu koji je dužan izdati uplatnicu za plaćeni iznos istog dana uplate.
- 3.3. Ukoliko jedna ili više ekipa ne izvrše uplatu takse nemogu nastupati na narednim turnirima lige a osvojeni bodovi se oduzimaju.
- 4.3. Sudijska članarina po svakom turniru iznosi po jednom danu 10,00 KM (svaki sudac C-Lige dužan je odmah nakon završetka svakog turnira uplatiti taksu odnosno 10,00 KM po jednom radnom danu, u protivnom isti sudac nemože suditi ni jedan naredni turnir C-Lige) Članarina Voditelja po svakom turniru iznosi 10,00 KM po jednom danu ; (svi Delegati C-Lige dužni su uplatiti navedenu taksu odnosno 10,00 KM po jednom radnom danu po svakom turniru kod Blagajnika Radne grupe),
- 5.3. Crveni kartoni turnira (30,00 KM) i druge Novčane kazne lige, (svi kartoni C-Lige kao i drugi novčani prihodi ili prilozii ulaze u redovne prihode C-Lige, svaki Crveni karton mora se uplatiti odmah odnosno na istom turniru nakon završene utakmice na kojoj je dosuđen karton, u protivnom se kažnjava igrač koji je dobio karton kao i ekipa za koju je nastupio dati igrač ili igrači),
- 6.3. Članska kartica (50 i 100 KM). Članovi Udruženja mogu da budu sva fizička i pravna lica uz prethodno plaćenu novčanu članarinu, izuzev članova Upravnog odbora i članova Skupštine Udruženja.
- 7.3. Sponzori C-Lige.
- 8.3. Pokrovitelji C-Lige.
- 9.3. Partneri C-Lige.
- 10.3. Taksa se naplaćuje kako u konkurenciji EKIPNIH tako i u konkurenciji POJEDINAČNIH pobjednika!
- 11.3. Sve nagrade do 100,00 KM, oslobođene su bilo kakve takse!
- 12.3. Centar DUGA Kulen Vakuf, u fokusu je i 2026. godine, na način da naše udruženje sprovodi HUMANITARNU akciju prikupljanja sredstava za djecu bez roditeljskog staranja na način da će na svakom turniru u BLIC akcija na osnovu dobrovoljnih priloga sprovesti istu u dogovoru sa organizatorom.
- 13.3. Kupovinom Članske kartice u 2026. automatizmom pomažete radu Udruženja, razvoju i promociji malog nogometa na prostoru USK-a.

#### **4. NAZIV EKİPE - KLUBA**

---

- 1.4. Ukoliko jedna ekipa promjeni ime odnosno naziv ekipe automatizmom gubi pravo na osvojene bodove, osim uz valjani dokaz u posebnim okolnostima, koje su nastale za vrijeme takmičenja.
- 2.4. Ukoliko jedna ekipa želi promijeniti naziv ekipe može to uraditi na taj način da dostavi pismeni zahtjev (uz Novčanu taksu od 30,00 KM) Upravnom odboru C-Lige, koja je dužna u roku od sedam (7) dana odgovoriti na zahtjev u pismenoj formi, te se obvezuje da na narednom turniru C-Lige voditelj programa službeno pročitati obavijest o promjeni naziva ekipe.
- 3.4. Ukoliko jedna ekipa ima više naslova u nazivu ekipe, te želi da dođe do promjene u nazivu ekipe u jednom ili više dijelova, ili se od jednog imena želi napraviti jedna ili više drugih ekipa ili naziva pravo na osvojene bodove uvijek zadržava **PRVO** ime odnosno prvi naslov naziva ekipe.
- 4.4. Naziv ekipe nesmiye da bude Uvredljivog , Provokativnog, Religioznog ili Političkog sadržaja.
- 5.4. Naziv ekipe ne može se mjenjati u toku jednog turnira nakon što su izvučeni parovi turnira, stim što se može dodati dodatni naziv u produžetku prvog naziva ekipe.
- 6.4. Svaku ekipu predstavlja službeno lice odnosno predstavnik ekipe koji je naveden u prijavi ekipe i odgovoran je za sve radnje dotične ekipe u toku turnira odnosno tekuće sezone zaključno sa Završnicom lige.
- 7.4. Ekipe koje su izborile nastup na Završnom turniru nemogu mjenjati naziv ekipe, i samo mogu koristiti nazive koje su imali u toku sezone.

#### **4a. NAGRADNI FOND TURNIRA**

---

- MIN Nagradni Fond za 1-2 dana turnira 4000 KM
- MIN Nagradni Fond za tri (3) dana turnira 5000 KM
- Nagradni Fond i Kotizaciju turnira C-Lige određuju sami organizatori.

## 5. ORGANIZACIJA TURNIRA

---

Organizator turnira dužan je obezbjediti sljedeće uvjete:

- 1.5. Predsjednik turnira ne smije imati nikakvog dodira sa takmičenjem.
- 2.5. Turnir mora da sude najmanje dvojica sudaca sa liste sudaca C-Lige ili jedan sudac i jedan delegat, a mjesto delegata može uzeti jedan od članova iz organizacije.
- 3.5. Svaki organizator dužan je dati podatke Predsjednika OO-ra turnira.
- 4.5. Turnir mora da ima razglas, a mjesto voditelja programa može obavljati i delegat turnira, ili neko od članova organizacije turnira.
- 5.5. Turnir mora da ima najmanje jednog Delegata sa liste C-Lige.
- 6.5. Organizator mora da ima najmanje 4 redara koji su jasno markirani i brinu se o sigurnosti ; igrača i rezervnog kadra obje ekipe, sudaca i delegata utakmice.
- 7.5. Organizator dobija dvije lopte firme SELECT MIMAS veličine br.4.
- 8.5. Igralište mora da bude Asfaltne, Betonske, Gumene ili umjetne podloge, može da bude otvorenog ili zatvorenog tipa.
- 9.5. Igralište mora da bude markirano prema Propozicijama C-Lige.
- 10.5. Organizator mora obezbjediti pismenu saglasnost Policije, MZ - ce i ustanove ili vlasnika na kojem se održava turnir.
- 11.5. Svi turniri C-Lige mogu se igrati samo sa loptama veličine br.4 Firme SELECT, neovisno o modelu iste.
- 12.5. Na svim turnirima C-Lige prisustvuje Službeno lice C-Lige odnosno delegat koji je dužan da prati organizaciju turnira, rad sudaca i drugih tijela turnira, te da na licu mjesta rješava sve sporne situacije prema pravilniku C-Lige i na kraju radi zapisnik turnira i isti dostavi predsjedniku Radne grupe. Troškove delegata snosi C-Liga.
- 13.5. Organizator turnira dužan je istaknuti Reklamne Panoe sponzora lige.
- 14.5. Organizator zadržava pravo na izmjenu ili dopunu formata turnira ili modusa takmičenja, ukoliko to nalažu okolnosti ili neka viša sila. Prekid turnira odnosno odgađanje istog u nadležnosti je samog organizatora i jedini je koji može odgoditi ili postaviti novi termin turnira, naravno uzevši u obzir naredni turnir C-Lige.
- 15.5. Utakmicu turnira C-Lige može prekinuti samo jedan od sudaca utakmice ukoliko postoje elementi za prekid iste, a o ishodu ili rezultatu iste utakmice odluku donosi Radna grupa turnira zajedno sa delegatom utakmice i delegatom C-Lige.
- 16.5. Svaki turnir mora da ima Službeni plakat turnira, formata A4 u boji.

## 6. MODUS TAKMIČENJA

---

- 1.6. C-Liga se igra turnir sistemom, tako da se svaki turnir boduje na osnovu osvojenog plasmana na turniru.
- 2.6. Tabela bodovanja vodi se nakon svakog turnira C-Lige, na način da svaka ekipa za prolaz u naredni krug turnira dobija DUPLI broj bodova, a početni broj je 2 boda, odnosno za prolaz u DRUGI krug dobija se 2 boda, a nakon toga svaki prolaz dalje bodovi se dupliraju (III krug 4 boda, IV krug 8 bodova itd.), na kraju se svi bodovi zbrajaju i daju konačan poredak.
- 3.6. U utakmici za  $\frac{3}{4}$  mjesto, nakon odigrane utakmice pobjednik u toj utakmici dobija još POLOVICU bodova od zadnjeg broja osvojenih bodova.
- 4.6. U Finalnoj utakmici pobjedniku se DUPLIRAJU bodovi, a poraženi u Finalnom susretu ostaje na istom broju bodova.
- 5.6. Ukoliko dvije ili više ekipa imaju isti broj bodova, prvo se gleda ekipa koja ima veći broj boljih osvojenih plasmana na turnirima C-Lige, zatim se gleda ekipa koja je uzela više učešća na turnirima C-Lige, nakon toga gleda se Međusobni susret, zatim Ukupna Gol-razlika ili se na kraju odigrava jedna utakmica na Neutralnom terenu.
- 6.6. Na turnirima koji se igraju KUP sistemom odnosno na ispadanje svaka ekipa ima pravo na još jednu dodatnu prijavu nakon što je izgubila prvu utakmicu, ali samo pod istim nazivom (samo 1.krug turnira).
- 7.6. Svaka ekipa mora da ima najmanje 33% (prednost se daje većem procentu) odigranih turnira C-Lige od ukupnog broja turnira u jednoj sezoni kako bi imala pravo nastupa na Završnici C-Lige.
- 8.6. Jedna ekipa može da bude na jednom turniru samo jednom slobodna.
- 9.6. Ekipa koja uzme učešće na svih turnirima C-Lige u jednoj sezoni dobija BONUS od 20 bodova, i povrat novca 10% od ukupne kotizacije.
- 10.6. Dodatne prijave odnosno uplate za nove igrače (PREKO BROJA 10) na svim turnirima C-Lige iznose 50,00 KM, a sav prihod od uplata za nove igrače ulazi u prihod Udruženja. Udruženje je dužno izdati priznanicu za nove igrače.
- 11.6. Jedan igrač može nastupati samo za jednu ekipu na jednom turniru u toku jedne sezone C-Lige, a svi novi igrači mogu se prijaviti u svakom dijelu turnira do broja 10 bez ikakve novčane naknade odnosno TRI nova uz plaćenu novčanu taksu za nove igrače.

## 6. MODUS TAKMIČENJA

---

- 13.6. Turniri sa Grupnom fazom duplo se boduju ukoliko u drugi krug prolazi samo jedna ekipa iz grupe, odnosno proporcijalno prolazu dalje, a ekipa koja je završila kao drugoplasirana također se boduje.
- 14.6. Ukoliko nije predviđena utakmica za  $\frac{3}{4}$  mjesto na početku turnira, putem plakata ili zvanične objave trećeplasiranog određujemo na osnovu postignutog rezultata na turniru.
- 15.6. Svaka ekipa ima pravo na ponovnu uplatu, ali samo one ekipe koje su bile u prvom ciklusu prijava a ponovna uplata mora da bude jednaka ili veća od PRVE uplate.
- 16.6. Svaka ekipa ima također pravo na NAKNADNU prijavu, odnosno pravo na drugu prijavu za parove 1.kruga turnira, ali nema prava na DODATNU prijavu ekipe.
- 17.6. Svaka ekipa za učešće na turniru dobija JEDAN bod.
- 18.6. Najbolji strijelac je igrač koji je postigao najviše golova u PRVOJ (Turnirskoj) fazi takmičenja.
- 19.6. Uslov za nominaciju ekipa ili pojedinaca temelje se na učešću od 33%.
- 20.6. Ekipa koja se NEOPRAVDANO ne pojavi na zakazani termin, kažnjava se novčanom kaznom od 50,00 KM, i oduzimanjem JEDNOG boda. Ista ekipa nemože nastupiti na narednom turniru sve dok nije izmirila svoje obveze. Prihod od naplete novčanih kazni za ne dolazak ekipe ide u kasu Udruženja, a na kraju sezone se refundira šteta koja je nanšena datom organizatoru turnira, kroz robne ili navčane naknade.

## 7. NAGRADNI FOND I FORMAT LIGE 2026

---

### 1.7. **PRVA** Faza takmičenja: **TURNIRSKA!**

Organizator Malonogometne C-Lige nagrađuje:

- TOP SCORER Plaketa, novčana nagrada
- POSEBNO PRIZNANJE Plaketa, robne nagrade

### 2.7. **DRUGA** Faza takmičenja: **FINALE 2026!**

- U mjesecu Decembru 2026: 6 ekipa (1-6 mjesto Završne tabele) se takmiči za pobjednika C-Lige 2026.
- U 1.Kругu Završnice igraju ekipe od 3 – 6 mjesta
- U PRVOJ utakmici igraju 4 **vs** 5
- O DRUGOJ utakmici igraju 3 **vs** 6
- PRVO i DRUGO plasirani su pošteđeni utakmica PRVOG kruga.
- Zatim, Prvoplasirana ekipa Završne tabele u prvom polufinalu igra protiv pobjednika **PRVE** utakmice.
- Nakon toga, Drugoplasirani Završne tabele igra protiv pobjednika **DRUGE** utakmice.

Učesnici Završnice C-Lige 2026. oslobođeni su bilo kakve uplate odnosno kotizacije, a sve poražene ekipe dobijaju Plaketu o uzetom učešću! Max broj igrača na utakmicama **FINALE 2026** je 12, a pravo nastupa imaju svi igrači koji su jednom ili više puta nastupali za dotičnu ekipu u PRVOJ Fazi takmičenja! Pravo na prijavu novih igrača odnosno igrača koji nisu nastupali za dotičnu ekipu imaju sve ekipe, MAX 3 igrača uz donaplatsu od 100 KM po jednom igraču!

3.7. **Druga** Faza takmičenja: **NAGRADNI FONDI!**

1Mjesto	Plaketa, novčana nagrada
2Mjesto	Plaketa, novčana nagrada
3Mjesto	Plaketa, novčana nagrada
4Mjesto	Plaketa, novčana nagrada
5Mjesto	Plaketa, novčana nagrada
6Mjesto	Plaketa, novčana nagrada

1Mjesto	Pehar + Medalje
2Mjesto	Pehar
3Mjesto	Pehar

1Mjesto	Medalje
---------	---------

4.7. **FINALE 2026** se igra KUP sistemom, dirigovanim žrijebom:

Utakmica	1.Krug (2x10)	Utakmica	½ Finale (2x10 minuta)	-	¾ Mjesto	Utakmica	Finale!!! (2x10 minuta)
C	4 – 5	3	A – C	-	Nema	5	Pobjednici ½ Finala
D	3 – 6	4	B – D	-			
A	Prvoplasirana ekipa PRVE faze takmičenja						
B	Drugoplasirana ekipa PRVE faze takmičenja						

- 5.7. Najboljih 6 (ŠEST) prvoplasiranih ekipa plasirat će se na Završni turnir, odnosno Završnicu 2026 pod nazivom (FINALE 2026).
- 6.7. Službeni naziv Završnog turnira je FINALE 2026!
- 7.7. Treće odnosno četvrtoplasirani određuje se na osnovu postignutih rezultata u prethodnim mečevima-utakmicama!
- 8.7. Na svim utakmicama Završnice FINALE 2026 samo se igra efektivno vrijeme, odnosno svaki prekid igre vrijeme se zaustavlja.
- 9.7. Termin odigravanja FINALE 2026 je u mjesecu Decembru, u SC Salih Omerčević u Cazinu.

## 8. DELEGAT & SEMAFOR C-LIGE

---

1.8. Delegat turnira dužan je obezbjediti :

- Mreže za golove (I ili II klasa)
- Jednu rezervnu loptu (Select Mimas vel. Br. 4)
- Dva kompleta markera  
Dvije boje po 12 komada s oštampanim brojevima,
- Jedna pumpa za zrak, torbica prve pomoći, 1 x Sudijska pišta, Rezervni Žuti i Crveni karton.
- Kompletna papirologija (zapisnik utakmice i turnira, pravila igre i propozicije, turnira, prijava ekipe i kompletan materijal za izvlačenje).
- Delegat turnira sprovodi kompletno takmičenje samog turnira, unosi u zapisnik sve potrebne detalje sa utakmice i turnira, te isti dostavlja Predsjedniku Takmičarske komisije C-Lige.
- Obezbjeđuje službenog fotografa, koji je dužan doći na posljednji dan svakog turnira, na kojem će pored fotografija turnira sačiniti kompletan izvještaj o turniru te ga objaviti narednog dana na stranicama C-Lige.
- Delegat turnira je dužan napraviti zapisnik turnira i dati svoju ocjenu turnira i predati ga članovima Takmičarske komisije.
- Na svim turnirima delegat C-Lige, brine o regularnosti takmičenja i sigurnosti sudaca, delegata i opreme u vlasništvu Udruženja.
- Službeni Semafor za praćenje svih utakmica na turnirima C-Lige.
- Službeno lice za vođenje Semafora imenuje Udruženje C-Liga, kao organizator lige i snosi troškove za lice koje upravlja Semaforom.
- Voditelj turnira je podležan službenim licima turnira (Suci, delegat), u sportskom djelu takmičenja, a organizatoru turnira kada je riječ o samom turniru odnosno onom administrativnom dijelu.
- Obezbjediti najmanje 6 markera za redare turnira sa natpisom lige.
- Ispuniti Zapisnik o ocjeni turnira, koji je za ovu godinu 2026. još uvijek pokusnog karaktera.

## 9. FINALE C-LIGE 2026

---

- 1.9. Za ekipe učesnice Finala C-Lige mogu nastupati svi igrači koji su JEDNOM ili više puta nastupali za istu ekipu u toku aktuelne sezone.
- 2.9. Najveći broj igrača koje može prijaviti ekipa za Finale C-Lige je 12.
- 3.9. Svaka ekipa ima pravo na TRI nova igrača. Novi igrač je onaj igrač koji nije nastupao za dotičnu ekipu u toku sezone i za takvog igrača novčana naknada iznosi 100,00 KM.
- 4.9. Svaka ekipa učesnica Finala Lige mora da izmiri sve svoje obveze prije prvog nastupa na FINALU 2026, u protivnom gubi pravo nastupa na Završnom turniru za PRVAKA.
- 5.9. Ukoliko jedna ili više ekipa iz bilo kojih razloga otkáže nastup (**osim opravdanih razloga**) ili se nepojavi na utakmici FINALE 2026 ista utakmica registruje se 3:0 u korist protivnika, a isti golovi ne ulaze u skor postignutih golova.
- 6.9. Ukoliko jedna ili više ekipa otkáže učešće na FINALE 2026 mora to učiniti u pismenoj formi najmanje sedam (15) dana prije početka takmičenja, nakon čega se pravi nova tabela na kojoj se preostale ekipe pomjeraju za jedno mjesto unaprijed, a na posljednju poziciju dolazi 7-plasirana ili naredna ekipa.
- 7.9. Ukoliko jedna ili više ekipa neopravdano ne nastupi na FINALE 2026 ista ekipa SE kažnjava sa Novčanom kaznom od 500,00 KM i 20 kaznenih bodova tako da dotična ekipa narednu sezonu startuje sa (**minusom**) od 20 bodova, i gubi pravo na PREDVIĐENU nagradu.
- 8.9. Max broj igrača na jednoj utakmici Završnice je 12.
- 9.9. Na klupi za rezervne igrače mjesto može uzeti SEDAM rezervnih igrača, predstavnik, sponzor i trener ekipe.

## **10. KLUPA za REZERVNE IGRAČE**

---

- 1.10. Klupe za rezervne igrače smještene su iza uzdužnih linija desno i lijevo od sredine igrališta.
- 2.10. Na klupi za rezervne igrače mjesto mogu uzeti samo rezervni igrači, Trener i Službeni predstavnik ekipe (max.12 osoba odnosno 7).
- 3.10. Ukoliko se na klupi nalazi više osoba igra se zaustavlja, službeni predstavnik ekipe se opominje (prvi put SE OPOMINJE, a drugi put udaljuje izvan terena), a igra se nastavlja kada se stvore uslovi za igru sudijskom loptom na mjestu gdje je igra prekinuta.
- 4.10. Trener ili Službeni predstavnik ekipe mogu se kretati samo u obilježenoj zoni kod klupe za rezervne igrače.
- 5.10. Svi igrači zajedno sa osobljem ekipe podliježu odlukama oba suca utakmice koji imaju jednake ovlasti.
- 6.10. U pauzi između dva poluvremena ekipe mjenjaju klupe za rezervne igrače i strane igrališta.
- 7.10. Organizator turnira je dužan obezbjediti mjesto na kojem se nalaze rezervni igrači sa osobljem ekipe, te isto mjesto osigurati i stvoriti uvjete za nesmetan rad ekipe u toku utakmice.

## 11. BROJ I ZAMJENA IGRAČA

---

- 1.11. Svaka ekipa broji maksimalno 13 igrača, od kojih su 4+1 u terenu.
- 2.11. Max broj igrača na utakmici 10+3, a broj zamjena je neograničen, a ekipe na poluvremenu mjenjaju klupe za rezervne igrače.
- 3.11. Zamjena igrača vrši se samo na obilježenom prostoru igrališta, zona za izmjene.
- 4.11. Igrač koji ulazi u igru, mora sačekati da igrač koji napusta igru, to izvrši u potpunosti.
- 5.11. Zamjenski igrači kao i cijela klupa podliježe odlukama suca bez obzira da li su u igri ili ne.
- 6.11. Ako zamjenski igrač stupi u igralište prije nego što igrač kojeg mijenja u potpunosti ne napusti igralište:
- a) igra se zaustavlja;
  - b) igrač kojeg se zamjenjuje upućuje se da napusti teren;
  - c) zamjenski igrač se prvi put opominje, a drugi pu kažnjava sa 2 min. neigranja; igra ponovno započinje neizravnim udarcem za protivničku momčad sa mjesta na kojem se lopta nalazila u trenutku zaustavljanja igre, a ukoliko se lopta nalazila u prostoru od 6 metara, lopta se iznosi na liniju od 6 metara. Ako za vrijeme dok se obavlja zamjena, zamjenski igrač stupi u igralište ili ga napusti igrač kojeg se zamjenjuje na mjestu izvan područja za zamjene (važi pravilo 6.2.).
- 7.11. Na početku utakmice svaka ekipa mora da ima najmanje DVA (2) igrača i vratara, a u slučaju da jedna ekipa ostane samo sa dva igrača uključujući i vratara ista utakmica se prekida, a protivniku se dodjeljuje pobjeda od 3:0, ako do tog trenutka protivnik nije postigao bolji rezultat.
- 8.11. U zapisnik utakmice unose se svi igrači koji su fizički prisutni, a igrači koji su se priključili ekipi u toku utakmice ili turnira samo se dopisuju na zapisnik utakmice I prijavu ekipe.
- 9.11. Nakon što je utakmica završena bez pobjednika ekipe dostavljaju spisak igrača za izvođenje udaraca sa 6 metara i nakon toga nema dopisivanja novih igrača.
- 10.11. Maximalan broj igrača na turniru je 13, do broja 10 (DESET) se neplaća, a preko broja 10 (DESET) za svakog igrača se plaća naknada od 50,00 KM.
- 11.11. Igrač koji je pod kaznom dužan je platiti izrečenu kaznu on ili ekipa koja je prijavila tog igrača bez obzira za koju je ekipu nastupao u vrijeme izrečene kazne i donešene odluke, u protivnom isti igrač nemože nastupati za bilo koju ekipu, a ekipa u kojoj je dotični igrač zaradio kaznu također nemože uzeti učešće na bilo kojem turniru C-Lige u aktuelnoj sezoni.

## 12. OPREMA IGRAČA

---

- 1.12. Igrač nesmije nositi opremu ili nešto drugo opasno za njega samoga ili drugog igrača uključujući i bilo koji oblik nakita.
- 2.12. Osnovna oprema: majica ili dres sa brojem, hlačice ili šorc.
- 4.12. Oprema mora biti jednoobrazna, a vratar se mora razlikovati od ostalih suigrača i igrača protivničke ekipe.
- 5.12. SAMO vratar-golman može nositi duge hlače (Trenerku).
- 6.12. U slučaju da obje momčadi imaju iste dresove;  
Organizator je dužan obezbjediti rezervnu opremu ili markere, a pravo na svoju boju dresova zadržava uvijek prvočitana momčad od strane voditelja takmičenja prema zapisniku utakmice.
- 7.12. Ispisi odnosno štampa na sportskoj opremi u kojoj nastupaju igrači i osoblje ekipa ili službenih lica lige nesmiju biti religioznog, političkog ili bilo kakvog provokativnog ili uvredljivog sadržaja.
- 8.12. Ekipe koje nema odgovarajuću opremu odnosno majice-dresove sa jasno ispisanim brojevima dužna je obući markere koje obezbjeđuje organizator takmičenja odnosno lige (Udruženje C-Liga).

### **C500 : KAKO SE POSTAJE ČLANICA C-LIGE?**

Članicom C-Lige postaje se nakon najavljene kandidature u tekućoj godini za organizaciju malonogometnog turnira. Najavu turnira odnosno kandidaturu za organizaciju turnira najavljujete pismenim putem ili putem e-mail (enes.cliga@yahoo.com) prema takmičarskoj komisiji-radnoj grupi lige, koja će nakon što zaprimi aplikaciju (koju dobijate od članova Takmičarske komisije), formirati radnu grupu koja će obaviti razgovore i obaviti tehnički pregled na licu mjesta i na kraju dati svoju ocjenu, a na osnovu toga komisija će odrediti da li će isti turnir biti uvršten u kalendar C-Lige za tekuću godinu.

### **101. DODATAK : TIMSKI PREKRŠAJI**

U timske prekršaje ubrajaju se svi dosuđeni izravni udarci dok se neizravni ne ubrajaju. Kada sudac dosudi istovremeno prekršaj za jednu i drugu ekipu, bez obzira je li jedna ili su obje ekipe u bonusu, akumulirani prekršaj se samo upisuje u zapisnik utakmice, ali se ne izvodi pucanje sa 10 metara, nastavak igre je spuštanje lopte na mjestu gdje se nalazila u trenutku prekida igre.

Delegat utakmice nakon ispunjenja bonusa daje zvučni signal upozorenja sucima utakmice, kao i samim momčadima o stanju timskih prekršaja.

Ukoliko se u jednoj akciji dosude DVA prekršaja za istu ekipu na osnovu puštene prednosti upisuju se OBA prekršaja ali ukoliko se radi PETOM i ŠESTOM prekršaju onda NEMA izvođenja udarca sa DESET metara, samo se oglašava semafor o BONUSU timskih prekršaja.

## 13. BODOVANJE I PROLAZ DALJE

---

- 1.13. Kod bod – sistema igra svako sa svakim unutar grupe.
- 2.13. Za pobjedu se dobivaju tri (3) boda, a za nerješen rezultat jedan (1) bod.
- 3.13. **Plasman na tabeli se utvrđuje:**
- a) brojem osvojenih bodova,
  - b) međusobnim susretom,
  - c) ukupnom gol-razlikom,
  - d) većim brojem postignutih golova,
  - e) boljim plasmanom na prošloj ili ranijim godinama turnira,
  - f) boljim plasmanom C-Lige u protekloj ili sezonama prije,
  - g) ukoliko je sve identično između dvije ili više ekipa bacaju se listići za prolaz dalje.
- 4.13. Kod sistema – eliminacije kao i kod utakmica BOD SISTEMA (Grupne Faze) ako je utakmica završena nerješanim rezultatom odmah se izvode udarci sa 6 metara po tri (3) izvođača iz svake momčadi u prvoj seriji odnosno ako nema pobjednika naizmjenično 1 po 1 (četvrti i peti) do konačnog pobjednika, ili sve ispočetka 1 po 1 do konačnog pobjednika.
- 5.13. Rezultati koji su dodjeljeni (PAR-FORFE) ulaze u skor postignutih golova ali se neupisuju u listu strijelaca.
- 6.13. Ako unutar jedne grupe postoji rezultat koji je dodijeljen (s.r.) a tiče se samo jedne momčadi sve utakmice sa dotičnom ekipom se anuliraju i pravi se mini tabela, nakon čega se gleda član 3.13.
- 7.13. U slučaju velikih izgreda jedne ili više momčadi, iste se diskvalificiraju sa turnira a RADNA GRUPA odlučuje o eventualnoj kazni pojedinca ili momčadi.
- 8.13. Prilikom izvođenja udarca sa šest (6) metara mjesto vratara može uzeti bilo koji od igrača koji se nalazi na prijavi odnosno zapisniku utakmice i može se mjenjati do kraja izvođenja udarca sa 6 metara bez ograničenja.
- 9.13. Kod sistema Grupne Faze ukoliko iz jedne grupe prolazi samo jedna ekipa bodovi se dupliraju ekipi koja se plasirala dalje a ekipa koja je drugoplasirana također se boduje prema pravilniku C-Lige 2025.
- 10.13. Ukoliko dvije momčadi imaju isti broj bodova, gleda se momčad koja je bila bolja nakon dodatnih udaraca sa 6 metara.
- 11.13. **Ako dva ili više igrača imaju isti broj golova gleda se:**
- a) igrač koji je postigao više golova u manje utakmica. **(sve zakazane utakmice)**
  - b) igrač koji je postigao više golova u zadnjim-važnijim utakmicama turnira.
  - c) igrač koji dolazi iz bolje plasirane ekipe.
  - d) ili na kraju dva ili više igrača dijele nagradu.

## 14. VRATAR & GOLMAN

---

- 1.14. U slučaju sprečavanja pogodka na bilo koji nedozvoljen način izvan svog prostora, vratar se kažnjava CRVENIM kartonom a ista momčad igra dvije (2) minute sa igračem manje.
- 2.14. Prilikom izvođenja udarca sa šest (6) metara vratar se može kretati po liniji između dvije vratnice ali nesmiije napustiti vrata sa obje noge prije nego protivnički igrač ne uputi udarac.
- 3.14. Prilikom izlaska izvan kaznenog prostora i igranja rukom vratar se kažnjava CRVENIM kartonom, a prilikom povratka u kazneni prostor i igranja rukom vratar se može ali i nemora kazniti CRVENIM kartonom.
- 4.14. Zamjena vratara vrši se na isti način kao i kod igrača letećim izmjenama bez ikakve najave pod uslovom da je golman vidno markiran-obilježen.
- 5.14. Vratar je jedini igrač koji može da ubaci loptu u igru iz Gol – auta samo rukom.
- 6.14. Lopta iz Gol – auta može se baciti rukom direktno preko polovine terena, ali se nemože postići direktan pogodak.
- 7.14. Pogodak se nemože postići direktno iz Gol – auta, ali vratar u toku igre može postići direktan pogodak samo nogom iz bilo koje pozicije
- 8.14. Vrijeme odnosno trajanje bilo kojeg prekida pa tako i ubacivanja iz Gol – auta je samo četiri (4) sekunde ako su stvoreni uslovi za igru, u protivnom sudac će svirati indirektan udarac za protivničku momčad.
- 9.14. Vratar može na svojoj polovici terena držati loptu samo 4 sekunde u razvoju igre, a preko polovice bez ograničenja.
- 10.14. Lopta se može vratiti vrataru ali je on može uzeti u ruke samo ako je vraćena dozvoljenim dijelovima tijela od pojasa pa gore.
- 11.14. Ukoliko zadnji igrač ili vratar prekršajem zaustavi ili spriječi postizanje gola ali iz iste situacije oštećena momčad postigne pogodak poštujući prednost od strane sudca, isti se priznaje ali se nekažnjava dati igrač ili vratar momčadi koja je primila pogodak.
- 12.4. Kod vratara vrijedi pravilo FUTSALA, odnosno vrataru se lopta može vratiti samo :
  - a) iz auta sa bilo kojeg dijela terena,
  - b) iz prekida igre nakon dosuđenog prekršaja za bilo koju ekipu sa bilo kojeg dijela terena,
  - c) ukoliko je neki od protivničkih igrača igrao ili dodirnuo loptu na polovici vratara.
- 13.4. Prilikom ubacivanja lopte iz GOL-AUTA svi protivnički igrači moraju biti izvan prostora vratar 6m, a vratar može som igraču odigrati loptu u istom prostoru.

## **15. POČETNI UDARAC I MINUTAŽA UTAKMICA**

---

- 1.15. Početni udarac može se izvesti kako napred tako i nazad.
- 2.15. Iz početnog udarca SE NEMOŽE postići direktan pogodak.
- 3.15. Utakmicu sa desne strane uvijek započinje prvo čitana momčad od strane voditelja odnosno zapisničkog stola.
- 4.15. Ekipe sa desne strane od zapisničkog stola imaju pravo na početni udarac, kao i pravo na matičnu boju dresova.
- 5.15. Minutažu utakmicu određuje sam organizator, shodno vremenu trajanja turnira i ostalih okolnosti.
- 6.15. Minimalna ZADANA minutaža je 20 minuta (2 x 10 minuta).
- 6.15. Maximalna ZADANA minutaža je 30 minuta (2 x 15 minuta).
- 7.15. Nema zaustavljanja vremena osim u situacijama kada jedan od sudaca signalizira da se zaustavi vrijeme.
- 8.15. Na svim turnirima od drugog kruga turnira ZADNJA minuta utakmice se igra samo efektivno vrijeme odnosno svaki prekid se zaustavlja vrijeme od strane mjeritelja vremena.
- 9.15. Minimalna ZADANO trajanje jednog turnira je DVA dana.
- 10.15. Maximalno ZADANO trajanje jednog turnira je ČETIRI dana.
- 11.15. Mjeritelj vremena za zapisničkim stolom zajedno sa Delegatom turnira Zadužen je za semafor i ima puna ovlaštenja da zaustavi vrijeme kada postoje elementi koji utiču na prekid igre i mogu izazvati štetu jednoj ili drugoj ekipi. Sudac je također taj koji ima ovlaštenja da signalizira zaustavljanje vremena kada smatraju da je neophodno.
- 12.15. Minut odmora (TIME-OUT) po jednom poluvremenu ekipe imaju samo kod minutaže koja je 15 ili više minuta po jednom poluvremenu, osim ako nije ranije predviđeno izmjenom ili dopunom Propozicija za dati turnir.

### **C200: TERMINI TURNIRA 2026?**

U slučaju istog termina DVA ili više turnira predost se daje turniru koji ima duži staž u takmičenju C-Lige. Termini turnira odnosno broj DANA jednog turnira ogleđa se po mjesecima odnosno periodu u kojem se zakazuje termin turnira. U prilogu donosimo prikaz na osnovu kojeg se zakazuju termini turnira u dogovoru sa organizatorom:

29.05.2026. - 06.09.2026.

max 2-3 TAKMIČARSKA DANA!

## 16. KAZNE NE MJERE

---

- 1.16. Kaznene mjere su :
- a) Žuti karton,
  - b) Crveni karton (30,00 KM).
- 2.16. Prilikom odrađivanja kazne igranjem igračem manje ukoliko ista momčad dobije pogodak automatizmom ima pravo da popuni dozvoljeni broj igrača.
- 3.16. Ukoliko je kazna izrečena krajem prvog dijela utakmice i nije mogla biti vremenski odrađena ista momčad početkom drugog dijela mora odraditi preostali dio kazne.
- 4.16. Igrač koji je dobio Crveni karton nemože nastupati na istoj utakmici do završetka utakmice niti može uzeti mjesto na klupi za rezervne igrače, ali nakon dvije minute u igru može ući drugi igrač, a o težini Crvenog kartona datog igrača odlučuje RADNA GRUPA.
- 5.16. Ukoliko sudac dodjeli Crveni karton nekom od igrača (ili udalji službeno lice) koji se nalaze na klupi za rezervni kadar ista momčad mora da odradi kaznu od 2 minute igranja igračem manje.
- 6.16. Oba suca imaju jednake ovlasti i ovlaštenja na utakmici.
- 7.16. Sve novonastale situacije koje nisu regulisane ovim Pravilnikom, bit će rješene od strane RADNE GRUPE, a donešene odluke objavit će se na službenim stranicama lige u realnom roku.
- 8.16. Odluke odnosno zabrane koje su donešene od strane RADNE GRUPE a koje se odnose na kazne pojedinaca ili ekipa odrađuju se na sljedeći način ;
- a) Igrač ili igrači odrađuju kaznu-suspenziju automatizmom od trenutka nastanka prekršaja koji je predmet odluke-zabrane u onoj mjeri u kojoj je kazna-suspenzija izrečena.
  - b) Isto pravilo vrijedi i za ekipu kao i za igrače odnosno pojedince.
  - c) Pojedinci ili ekipe odrađuju svoje kazne-suspenzije na način da nemogu uzeti bilo kakvo učešće na narednim utakmicama ili turnirima u onoj mjeri u kojoj je kazna-suspenzija izrečena.
- 9.16. Organizatoru turnira također se može odrediti ili izreći suspenzija ili u krajnjem slučaju kazna ovisno težini kršenja Pravilnika C-Lige.
- 10.16. Novčanu kaznu za CRVENI karton (30 KM) trpe kako igrač tako i ekipa za koju je nastupao kažnjeni igrač, a pravo nastupa stiču kako igrač tako i ekipa tek nakon što je plaćena kazna za načinjeni prekršaj od strane bilo koga.
- 11.16. Žuti kartoni se akumuliraju za vreme svakog turnira, na način da nakon **TREĆEG** kartona igrač Automatizmom **NEMA** pravo nastupa u narednoj utakmici. Po završetku turnira svi Žuti kartoni se anuliraju u pogledu narednog turnira.

## 17. PREKID IGRE

---

- 1.17. Lopta je van igre samo kada u potpunosti (fizički) pređe uzdužnu ili poprečnu liniju bilo po tlu ili vazduhu.
- 2.17. Lopta se sa strane ubacuje samo nogom **sa linije**, a ubacivanjem lopte sa strane nemože se postići direktan pogodak.
- 3.17. Svaki prekid unutar terena je direktan ukoliko sudac ne signalizira indirektan udarac, a slobodan udarac može se odmah izvesti ako sudac nije zaustavio igru i samo njegovim znakom igra se može nastaviti.
- 4.17. Prilikom izvođenja svakog prekida igre protivnički igrač **MORA** biti udaljen pet (5) metara od mjesta izvođenja u protivnom sudac će igrača prvi put opomenuti a zatim i kazniti sa Žutim kartonom. Igrač koji izvodi neki od prekida igre može da traži od sudije pet (5) metara, time što će podignutom rukom prema gore signalizirati sudcu da udalji protivničkog igrača na pet (5) metara.
- 5.17. Prednost postoji, a bit će uzeta samo onda kada igrač ili njegov suigrač nemogu doći u posjed lopte nakon prekršaja procjenom sudca.
- 6.17. Klizeći start dozvoljen je samo kada u blizini nema protivničkog igrača, u protivnom svaki nedozvoljen klizeći start kažnjava se Žutim kartonom.
- 7.17. Ukoliko igrač traži (5) metara sudac je dužan zaustaviti igru i odmaknuti protivničke igrače na (5) metara a igrač može nastaviti igrom samo na sudski znak u protivnom lopta se dosuđuje protivničkoj ekipi.
- 8.17. Svaki dosuđeni direktni udarac je automatizmom TIMSKI prekršaj.
- 9.17. Svaki sudac ima PRAVO na tkz. SUDIŠKI Time-Out, njegovom procjenom ukoliko postoje bilo kakvi elementi za prekid igre.
- 10.17. Ako u jednoj akciji nakon suđenja prekršaja i pravila prednosti sudac nesvira prekid, a zatim ista ekipa napravi još jedan prekršaj u zapisnik ulaze oba načinjena prekršaja.
- 11.17. Prekid igre može izazvati i drugi faktori (predmeti, treće osobe ili neka druga bića u terenu) ili viša sila (jako nevrijeme, nestanak struje, teške povrede) ili neredi u terenu ili neposredno pored terena koji se odražavaju na takmičenje i potencijalnu opasnost da se incident proširi. U tim slučajevim nastupa prekid utakmice ili turnira a odluke o nastavku utakmice-turnira donose se od strane delegata uz konstataciju sa sucima i organizatorom uzimajući u obzir okolnosti koje su nastale za vrijeme i nakon prekida.

## 18. TIMSKI PREKRŠAJI

---

- 1.18. Svaka ekipa ima bonus od **5 TIMSKIH** prekršaja u jednom poluvremenu, a nakon toga svaki naredni prekršaj je direktan udarac sa 10 metara, koji se može izvesti i sa mjesta na kojem je prekršaj napravljen.
- 2.18. Ukoliko sudija ipak pusti prednost i posle petog TIMSKOG prekršaja (rizik sudije), pa se prednost ne ostvari, nakon pokazivanja prekršaja zapisničkom stolu, igra se nastavlja zbog čega je i bila prekidu, a ne kazneni udarac. Ukoliko ekipa ima 4 prekršaja, pa su puštene dve prednosti, nakon završetka akcije pokazati dva TIMSKA prekršaja a igru takođe nastaviti zbog čega je i bila u prekidu a ne kazneni udarac sa 10 metara, ne zaboraviti da u svakom od ovih slučajeva primjenite i disciplinske mjere, ako ih ima? Poslije petog i svakog narednog timskeg prekršaja najbolja prednost za ekipu je dosuđivanje prekršaja izuzev kada je u pitanju izgledna prilika za postizanje pogotka.
- 3.18. Kod šestog TIMSKOG prekršaja više nije dozvoljen živi zid kao obrana od direktnog slobodnog udarca. Također kod šestog i svih narednih TIMSKIH prekršaja, važe pravila :
- a) Igrač sa izuzetkom golmana odbrambene strane i igrača koji taj udarac izvodi, a koji je prethodno identifikovan, treba da ostane na terenu, ali iza zamišljene linije odnosno linije koja je uporedo sa loptom i koja je paralelna sa gol aut linijom, a izvan kaznenog prostora.
  - b) golman mora da ostane u svom kaznenom prostoru, udaljen najmanje 5 metara od lopte.
  - c) protivnički igrači također moraju da budu udaljeni najmanje 5 metara od lopte i ne smiju da ometaju igrača koji izvodi slobodan udarac, nijedan igrač ne smije da pređe zamišljenu liniju dok lopta ne bude u igri.
  - d) Igrač koji izvodi direktan slobodan udarac mora da igra loptom sa namerom da postigne pogodak i ne može je dodati drugom igraču.
  - e) Kada je direktan slobodan udarac već izveden, nijedan igrač ne smije da dotakne loptu ukoliko ona nije prethodno dodirnutu od golmana ili se ne odbije od stative ili prečke ili ne ode van terena.
  - f) Nema produžetka utakmice ukoliko je dosuđen ŠESTI Timske prekršaj u trenutku Svirene Semafora za kraj utakmice.

## 19. OCJENA TURNIRA

Tabela pomoću koje se ocjenjuje organizacija turnira na osnovu pojedinačnih ocjena po navedenim stavkama za 16.Sezonu Malonogometne C-Lige 2026.

Naziv i mjesto turnira		XXXXXXXXXXXX	
RB	Stavka	Podstavka	Ocjena
<b>01.</b>	Rasvjeta		2
<b>02.</b>	Redarska služba		2
<b>03.</b>	Radna oprema organizatora		2
04.	Kategorije turnira	- Veterani	-
		- Djeca	-
		- Žene	-
05.	Pehari izvan Paketa C-Lige		-
06.	Plakete		-
<b>07.</b>	Sigurnost & Obezbjedenje	- Sudaca	2
		- Zapisnički sto (Službena lica)	2
		- Učesnici turnira	2
<b>08.</b>	Prisutnost policije		2
09.	Dodatni sadržaj	- Tombola	-
		- Prezentacije	-
		- Muzika uživo	-
		- Vatromet	-
		- Ostalo	-
<b>10.</b>	Izvlačenje (organizacija i prisutnost predstavnika)		2
<b>11.</b>	Igralište	- Golovi	2
		- Linije	2
		- Zaštitna ograda	2
		- Klupe za rezervne igrače	2
		- Zapisnički sto	2
		- Reklame	2
<b>12.</b>	Plakat turnira		2
<b>13.</b>	Objava i najava turnira		2
<b>Ukupan broj bodova</b>			<b>32</b>

### NAPOMENA :

- Stavke turnira se boduju ocjenama od 1 do 10.
- MAX broj bodova jednog turnira je 260!
- Broj bodova za PROLAZNU ocjenu je 32!  
(Boldirane stavke moraju biti ocjenjene najmanje sa 2 boda za prolaznu ocjenu)

## 20. PODRŠKA ORGANIZATORA

---

### **Svaki organizator turnira u predstojećoj 16. Sezoni Malonogometne C-Lige 2026. dobija sljedeće:**

- Delegata turnira koji je zadužen za sprovođenje takmičenja na turniru prema Propozicijama C-Lige za aktuelnu sezonu.
- 2 Lopte marke SELECT Mimas br.4 sa utegom (Službena lopta C-Lige).
- Razglas i ozvučenje sa muzikom po želji i odabiru organizatora.
- Pokretni Elektronski Semafor sa educiranim osobljem našeg Udruženja.
- Serija pehara 1-3 Mjesto (kvalitet pehara ovisi o visini nagradnog fonda).
- Kompletna papirologija (Prijave, zapisnik, propozicije ...).
- Službeni Fotograf na Finalnom danu turnira uz kompletan izvještaj o turniru i mapom sa slikama turnira na našoj facebook stranici.
- Kompletna tehnička podrška (markeri, mreže, torbica PRVE pomoći, pumpa ...).
- Službeni plakat turnira u digitalnoj formi (ukoliko nije isti izradio organizator).
- Najava i izvještaj turnira na našoj Facebook stranici.
- 4-6 markera za REDARE turnira sa natpisom REDAR na poledini markera.
- Tabla za slikanje ekipa u boji (120x60cm).
- Winner tabla turnira u boji (120x60cm).

Vrijednost usluga, odnosno poklon paketa organizatoru iznosi : **1.405,00 KM.**

<b>Opis usluge</b>	<b>Vrijednost KM</b>
- Lopte	220,00
- Razglas	150,00
- Semafor sa educiranim osobljem	150,00
- Delegat C-Lige	120,00
- Papirologija	20,00
- Markeri za ekipe (12+12 komada)	420,00
- Markeri za redare (4-6 komada)	105,00
- Fotograf	100,00
- Pehari sa gravurom ili naljepnicom (1-3 mjesto)	180,00
- Tabla za slikanje ekipa (120x60cm)	30,00
- Winner tabla za slikanje (120x60cm)	30,00

### **Napomena :**

Stavke su obračunate prema Dvodnevnom prosjeku, što znači da troškovi mogu da budu samo uvećani ukoliko neki od turnira traju više od DVA dana!

## **21. DODATAK PROPOZICIJAMA**

---

### **C400 : ODGAĐANJE TURNIRA!?**

Turnir se može odgoditi i zakazati neki novi termin ali SAMO na način da se neugrožava termin nekod od turnira ili da se izazove šteta nekoj od članica C-Lige!

### **C401 : ZAPISNIČKI STO!?**

Mjeritelj vremena za zapisničkim stolom zajedno sa Delegatom turnira Zadužen je za semafor i ima puna ovlaštenja da zaustavi vrijeme kada postoje elementi koji utiču na prekid igre i mogu izazvati štetu jednoj ili drugoj ekipi. Sudac je također taj koji ima ovlaštenja da signalizira zaustavljanje vremena kada smatraju da je neophodno.

### **C800 : FOTOGRAF & PRENOS UŽIVO!**

Na svim turnirima C-Lige u 2026. godini naše Udruženje obezbjedit će službenog fotografa na FINALNOJ večeri takmičenja svih turnira o vlastitom trošku. Obveze fotografa je da fotografiše sve učasnike turnira, zatim odabrane detalje i nekoliko spontanih slika po želji fotografa ili samih učesnika i gostiju.

Kada je riječ o prenosu utakmica **uživo** organizator je taj koji ukoliko želi mora dogovoriti dodatni angažman sa fotografom i definisati kako cijenu tako i one utakmice koje smatra da imaju najviše elemenata za prenos.

Kada je riječ o prenosu sa naše strane naše Udruženje zadržava PRAVO na prenos Finalne utakmice, naravno o vlastitom trošku.

Organizator je taj koji je dužan obezbjediti signal za prenos i sve potrebne tehničke uvjete za kvalitetan prenos o svom trošku.

### **C1001 : Termin FINALE 2026!**

Termin odigravanja Završnog turnira sa 6 najboljih ekipa lige održat će se u Decembru 2026. godine u JU SC Salih Omerčević Cazin u popodnvenim satima. Termin je konačan i može se izmjestiti SAMO u slučaju više sile. Naše Udruženje u dogovoru sa JU SC Salih omerčević Cazin dobilo je Ekskluzivno pravo na ovaj termin na osnovu Ugovora između našeg Udruženja C-Liga kojeg zastupa predsjednik Muenes Šabić, i JU SC Salih Omerčević Cazin kojeg zastupa direktor Semir Pehlić.

## 22. RADNA GRUPA 2026

---

Radna grupa C-Lige 2026, na održanoj sjednici, 03.03.2026.godine, u Cazinu, u prostorijama Udruženja u ulici Čuprija bb, članovi Radne grupe 2026, nakon razmatranja velikog broja prijedloga i sugestija donjelo je Propozicije za tekuće 16.po redu sezonu Malonogometne C-Lige 2026.

Sjednici prisustovali svi PET (5) članova:

Senad Mizić




---

Hasan Dželalagić




---

Senad Nadarević



---

Muamer Hodžić




---


Muenes Šabić



---




Odbrojavanje četiri sekundi (1)




Odbrojavanje četiri sekunde (2)



Peti akumulirani prekršaj




Prednost nakon akumuliranog prekršaja




Opomena (žuti karton)




Isključenje (crveni karton)




Indirektni slobodni udarac




Broj igrača – 1




Broj igrača – 2




Broj igrača – 3



Broj igrača – 4




Prednost nakon neakumuliranog prekršaja




Akumulirani prekršaj  
nakon primijenjene prednosti (1)




Akumulirani prekršaj  
nakon primijenjene prednosti (2)




Akumulirani prekršaj  
nakon primijenjene prednosti (3)




Akumulirani prekršaj  
nakon primijenjene prednosti (4)




Udarac iz ugla (1)



Udarac iz ugla (2)




Golmanovo ubacivanje lopte (1)




Golmanovo ubacivanje lopte (2)




Jednominutni odmor




Broj igrača – 5




Broj igrača – 6




Broj igrača – 7




Broj igrača – 8





Broj igrača – 9




Broj igrača – 10




Početni udarac/nastavak igre



Direktni slobodni udarac / kazneni udarac




Ubacivanje nogom (1)




Ubacivanje nogom (2)


## Znak oba suca za nastavak igre




## Znakovi pomoćnih sudaca



Jednominutni odmor




Peti akumulirani prekršaj



Broj igrača – 11




Broj igrača – 12




Broj igrača – 13



Broj igrača – 14



Broj igrača – 15



Pogodak

C-Liga 2026  
 16.Sezona Malonogometne C-Lige  
 Kalendar takmičenja MNT u 2026.godini.

rb	Lokacija Turnira	Naziv turnira	Termin
01	Gata	Bugar 92 & Gata 2026	Juni 11-13
02	Marjanovac	MNT Marjanovac 2026	Juni 20-21
03	G.Koprivna	KUP Salih Omerčević 2026	Juni 26-27
04	Skokovi	Skokovi Cup 2026	Juli 01-02
05	Prošići	MNT Prošići 2026	Juli 03-05
06	D.Koprivna	Dani MZ-ce D.Koprivna 2026	Juli 10-12
07	Pjanići	Kup Indire Pjanić 2026	Juli 14-15
08	Tržac	Ljetna Liga 2026	Juli 18-19
09	Miostrah	Memorijal Durdžić Kemo 2026	Juli 21-22
10	Pivnice	MNT Pivnice 2026	Juli 25-26
11	Brekovica	Memorijal Alen & Ramiz 2026	Juli 27-29
12	Mutnik	MNT Mutnik 2026	Juli 31-Aug 01
13	Ćoralići	Ćoralići Cup 2026	Aug 02-03
14	Trž. Raštela	Pečat Slobodi 2026	Aug 04-05
15	Johovica	MNT Johovica 2026	Aug 06-07
16	Šturlić	Dani MZ-ce 2026	Aug 08-09
17	Rujnica	Rujnica Cup 2026	Aug 10-11
18	Kudići	MNT Kudići 2026	Aug 13-14
19	G.Koprivna	Koprivski dani Sporta 2026	Aug 15-16
20	Konjodor	Mladost Cup 2025	Aug 22-24

Motel & Restoran Aladin G.Koprivna  
 Nedjelja, 05.04.2026.godine

## Malonogometna C-Liga 2026:

---

### **Pokrovitelj:**

- Grad Cazin (gradonačelnik mr. Nermin Ogršević)

### **Generalni sponzori:**

- Automat klub Casino PLIP, Čuprija bb, Cazin 77220
- EM-GRAD s.p. Zinaid Majetić, Slovenija, 1210 Sentvid
- AVTO ZALA s.p. Zinaid Majetić, Novacanova 1, 3202 Ljubecna (SLO)

### **Sponzori:**

- Motel & Restoran Aladin, G.Koprivna bb, Cazin 77220
- SD E-Color Cazin, Toneri & Štampa, 77220 Cazin, braće šehida bb
- Fontana Merc d.o.o., 77220 Cazin, Čoralići bb
- COM\_SOFT d.o.o. Cazin, 77220 Cazin, generala Izeta Nanića bb
- ETAN d.o.o., Vel.Kladuša 77230, Trnovačka bb
- DOLA d.o.o., Cazin 77220, Skokovi bb
- H-Bošnjak d.o.o., Vel.Kladuša 77230, Urga bb
- UNA Promet d.o.o., Cazin 77220, Kličići bb
- Maja Commerc d.o.o., Cazin 77220, Čoralići bb
- AL SPORT OPREMA, Kninska 78, Koz.Dubica 79240
- ASACentral osiguranje D.D., Trg Međunarodnog prijateljstva 25, Sarajevo 7700
- AUTO Stil d.o.o. Cazin, Čoralići bb, Cazin 77220
- STANIĆ Group, Polje 22, 71260 Kreševo


### **Partneri:**

- JU Sportski centar Salih Omerčević, gen. Izeta Nanića bb, Cazin 77220
- Sportski savez grada Cazina, gen. Izeta Nanića bb, Cazin 77220
- Sportski savez USK, 502.Viteške brigade bb, Bihać 77000

### **Medijski pokrovitelji:**

- RTV Cazin, Cazinskih brigada bb, Cazin 77220

Cazin, 05.04.2026.god.



C-Liga 2026.



**Napomena:**

- 1.** PRAVO na izmjene ili dopune Propozicija zadržava organizator takmičenja, odnosno RADNA grupa koja je imenovana od strane Skupštine Udruženja.
- 2.** Radna Grupa C-Lige, na održanoj sjednici, dana 05.03.2026.god. u Cazinu, donjela je Propozicije takmičenja za 2026.godinu!